

砥

齋

集

齊東野語

舉山王弘撰者

善契蘇君暨配楊氏吳氏合葬墓誌銘

蘇君名師軾字善契先世山西洪洞人明初徙居華陰西賈村數傳至廩生自新以孝行蒙旌表事載邑志中自新生子純庠生子純生佳葵佳葵生永泰武庠生是爲君父有子二君其長也君性溫恭孝友篤勤儉鄙詐僞稼穡匪懈無紛華綺靡之好與弟析居

時絕不較財物鄉人稱其義焉娶楊氏閭儀克修奉舅姑唯謹處妯娌以讓耕前鋤後與之媿德生子光裕有室矣顧不幸早歿得遺腹子曰培蒔時蒔母年方十九以栢舟自矢狀孀婦嗚嗚與孤兒呱呱聲相聞慰勞撫育至有今日者君之拮据卒瘁可知矣蒔說長爲庠生事君能盡禮人無間言咸謂君之自食其報者也君再娶吳氏王氏卒無他子光裕卒時年二十一歲娶王氏邑人應坤女女二長適邑人吳學

禧次適朝邑庠生徐慕孫男一卽培滯娶王氏邑庠  
生胤基女曾孫男一幼曾孫女三長適邑人袁鼎餘  
未字君生于明萬曆八年十一月初四日卒于清康  
熙四年六月十五日得年八十有六楊氏邑人敬祖  
女生于明萬曆十二年六月二十二日卒于崇禎二  
年十月初八日得年四十有六吳氏邑人事湯女生  
于明萬曆三十七年正月初六日卒于崇禎六年三  
月二十二日得年二十有四王氏余族大行女今在

堂康熙四年十一月初二日辰時合葬于西賈村之  
北百武許嚮余爲農河濱時數與君往來又以葭葦  
感得與聞門以內事蓋君之婦王氏實賢君之有茲  
婦豈微乎卽君雖無文學奇節要亦所稱醇樸善人  
者矣銘曰

丘芊眠涓之陰無數者斯德音引勿替後人心

雷孝子墓表

代陳公勛方伯

嗚呼此故庠生孝子動宇雷公之墓也公有冢孫曰  
噓和爲余丙戌同年友余承乏秦藩嘗數過從之故  
獲知公遺事公諱振關動宇其字也其所可知之祖  
曰中爲洪洞丞四傳至其父曰邦起生二子公爲長  
公幼氣骨不凡尊長咸器之治經通尙書補邑博士  
令子員佔畢孜孜如有所弗及乃神瘁貌日以癯其  
父憐之謂吾雷氏世約今宗祧有承足矣富貴顯榮

非所期兒母以學自苦徒使吾心惻爲於是稍置鉛  
槧不復言進取事菽水供飲竭力養志以終其身余  
聞公貌溫恭樸木性依於仁而動以禮自持褒衣矩  
步出言有章與人交恂恂善下人未睹其怨怒之色  
處不足之地而坦乎恒若有餘蓋古所云隱君子也  
其父大耋遘疾公禱於天願身代剗肱以療延九齡  
及歿哀毀骨立葬祭誠信廬於墓者三年有司上其  
事得旌表故今得雷孝子配孺人徐氏同範嚴辭

有少君裙布之義先公卒卒時公年五十矣終子居  
下復娶今合葬云

盟津陳子曰余察孝子行誼最高竊慨焉慕之獨以  
未得親炙爲憾然噓和述其王父之德不誣也及觀  
諸所爲傳若誌亦旣章章矣而噓和尤拳拳屬余表  
其墓夫雷氏孝謹之風其日興乎因撤其大槩使鐫  
之麗牲之石



從孫僑壙誌銘

予從子斐有第四子曰僑不幸早卒斐哭之慟將葬  
予爲誌之曰僑性敏而毅黜而嗜學爲文有清思事  
父兄唯謹能知大義每見予輒質問經史意矯然不  
欲下人予嘗器之乃以勤積瘁今年春嘔血數升病  
日增且革予往視之執予手泣曰祖讀書多何方救  
我予亦泣下曰吾不知醫敢以藥試遂卒時丙辰四  
月二十日也距生庚子二月初四日得年才十七耳

鳴呼是可惜也銘曰

碧雲溪之側唯汝之藏汝其安之壽夭亦事之常也  
以爲有成人之行焉故弗殤也

故教諭瀛翹李公暨配孺人衛氏合葬墓誌銘

余少時嘗聞先司馬言朝邑瀛翹李公者學行爲時宗卽婚姻之好非所道矣比余少長隨侍先司馬於北畿公適以貢應大廷試時吾宗昆華公方在翰林實與試事余從昆華公座中得讀公所爲事君盡禮制義忠厚隤側而昆華公歎之以爲其音悲颯蓋憂國之不競也公旣以宦久於越甲申變後始歸而余以落魄廢人事顧不獲時從公遊經師不遠

而赴業未能是余之過也夫公歿且葬公之子公鼎  
乃以所自爲狀來請銘其合窆之石余又烏可辭

按狀公諱之杜字惟斷瀛翹其別號也先世山西洪  
洞人元末徙朝邑河西村所可知之祖自得仁始得  
仁生才才生準卽誌所稱年百二十歲以壽官者也  
準生果果生聘選貢聘生友直嘉靖庚子舉人任四  
川什邡縣知縣友直生準乙卯舉人歷任淮安鹽運  
使準生汝器爲邑舉生娶張氏實生公公生而順

經人元龍...才異名藉...  
每棘闕將撤關西士擬元魁者必亡及公乃公入試  
額數奇卒不過崇禎乙亥始以歲貢至京師投牒天  
官部授浙江處州府訓導署龍泉縣庠復署縣事尋  
陞金華府永康縣教諭甲申賊陷京師公遂棄官歸  
杜門不出者七年所順治壬辰二月二十有四日亥  
時以疾終距生萬曆庚辰正月十有七日未時享壽  
七十有三歲公性慈而介有大略事二人以養志聞

名譽旣彰益事博綜於書無所不讀爲文章千言立就不加點尤好獎成後進河濱之士多從學者公貌魁梧而意氣慷慨不設城府遇人是非片言卽決不少阿劉四罵人人不恨以是親之然或私有不義至不敢使王彥方知也亦以是憚之方在龍泉時龍泉諸生陳某有義女以無疾死例驗屍可得厚餽左右以言公屹不爲少動又周某者以富於財爲人誣告抵死命周孱民大懼以百金夜投公公怒斥之曰公

命至大果實卽千金詎貸一死寃耶又奚以金爲尋  
得其情竟出之公在龍泉才數月耳而惠義大著及  
在永康有徐生者自訟其子大惡法當死或且以爲  
奇貨可居矣公召至數之曰子爲人子而使父有殺  
子之名卽其狀勿問其謂子何徐向徐生曰若亦聞  
吾黨之直乎父而忍殺其子孰不可忍者司教不職  
惟有閉閣思過耳言已幾泣下徐赧服遂爲父子如  
初故龍泉與永康人尤尸祝公不忘至今蓋公所爲

扶善過過在鄉在官類如此論者方之陽道州云孺人衛氏者華陰儒官逢吉女也性婉靜讀書通大義能誦孝經列女傳逮事舅姑舅姑言其孝處兄弟兄弟稱其讓歸公六十年相敬如賓猶一日也勤儉理家寬厚逮下悉有條則當庠生翁暨張孺人先後屬纊時公適皆在闈凡附身附棺必誠必信惟孺人獨任里中尤稱難焉孺人生萬曆丁丑二月十有七日丑時後公七年卒順治戊戌二月二十有八日丑時



也享壽八十有二歲斯古所謂同德者乎生男子一  
卽公鼎庠生娶邑資縣知縣張孚鯨子廩生必昌次  
女繼娶華陰武進士楊玉柱女又繼娶邑人張鶴臯  
女女子三長適華陰廩生王弘期卽予兄先司馬  
仲子也次適邑庠生趙鍾元新蔡縣知縣勉季子三  
適邑廩生王鏘山西左布政使于陞仲子孫男六育  
液娶邑人張紹光女育浚娶邑庠生翟旬彥女高邑  
縣知縣運晉孫育沆娶邑人張臨光女育泗娶邑人

李嘉樂女育淮娶邑人薛呈秀女育溟未聘孫女三  
俱幼張氏出曾孫男三璵聘邑人倪丕顯次女珣幼  
俱液出琮幼浚出曾孫女三長字同州盧慶餘餘未  
字是年十一月二十有七日公鼎奉公暨孺人之柩  
合葬於事域村祖塋之次竊以公之才不獲大展於  
當世則惜公者不徒余卽余又不徒以爲公惜也是  
宜銘銘曰

峰一巒泉一涓渭之陽穆將愉幽其闕永以藏誰聽

言復乃始俾而昌銘有述辭無愧亦孔章

故庠生勳字雷公盛配徐氏合葬墓誌銘

公諱振關字勳字其先世譜無傳焉則諱中者實爲  
始祖爲洪洞丞中生雲雲生同同生洪義洪義生那  
起字子建是爲公父娶某氏生二子公其長也幼岐  
嶷有異資好問學補邑博士弟子員勳於業積萃幾  
殆子建翁昵弗令求進公遂無意用世而視世所誦  
穠富貴勢厚亦不啻敝屣菽水承歡怡如也子建翁  
年八十寢疾不强飯公禱於天願以年代潛剖股以

有怒容叱聲里中咸稱長者視弟振蛟如一體衣食  
必共娶孺人徐氏邑某女性慈而謹與公嬈德先公  
卒方孺人卒時公年五十矣卽誓不再娶或諷之公  
笑曰吾子女不乏又奚庸遂子居終身公有孫噓和  
爲樂城宰嘗迎養公於樂城公一至卽返頗怡情山  
川吟嘯自娛間與二三老友攜壺觴爲會有耆英真  
率之風時陽生亦謝事歸三世一堂而溫而清而捧  
杖而納履寧人倫至樂者訖十年斯不可以知天哉

進室輒有異香蒸蒸起而子建翁良愈卽剖股勿論  
蓋亦誠之所感矣家人微覺之數日聞於外時余舅  
楊光祿公方家食急詣公省狀公唯唯謝無有又  
年子建翁歿公哀毀盡禮旣葬廬於墓下烏啼狐鳴  
與哭泣聲相聞者三年有司上其事御史臺御史臺  
聞於朝遂以恩受教諭旌其門曰孝子云太史錢  
牧齋氏以文章高一代時爲作傳世所傳雷孝子傳  
是也公素仁柔善下與人無貴賤者少無敵恨者

公生於明嘉靖四十一年五月初六日終於清順  
治十五年二月二十三日享壽九十有七孺人生於  
嘉靖四十四年八月初二日終於天啟六年九月十  
二日享壽六十有三生男子三如咸娶楊默女如英  
娶史觀光女如韶娶李尚志女生女子二長適鮑從  
表次適郭偉士孫男四肇和娶張一鳳女咸出景和  
娶杜美裔女英出嘯和順治乙酉舉人丙戌進士任  
樂城縣知縣娶屈氏邑庠生陞階文際和庠生娶陳

氏繼武女俱節出曾孫男四晉晚珥聲和出璫鼎和  
出曾孫女四聲和出者未字璫和出者長適邑庠生  
郭之楨子煒次字邑庠生吳璠子弘先未歸殤際和  
出者字邑庠生王致猷子心從己亥二月某日合葬  
於縣北三里南凹堡之東余鼎聞諸父老所述公槩  
徵今狀益信蓋孝友性生之矣而執雌守黑侗然自  
全其天器又似有得於老莊之術者然余嘗從公遊  
顧恂恂一儒者無異人意將其中有不易測者與是



可銘也銘曰

維山有璞珠亦在淵澤以韞久輝以藏寃投或怒生  
獻至則連唯則與怒自處則然抑抑雷公德醇志堅  
無與世炫弗爲物先旭作昏息龐睂白顛爰返其真  
曰歸于玄廩茲幽宅附是賢媛銘詞有徵俾也可傳

故霍母楊夫人墓誌銘

予邙居有鄰霍正儒者以忠信稱於鄉里尤能竭力  
事母母歿而亟思所以永其母者樂樂匍匐詣予草  
堂乞銘其隧道之石予時抱病未有以應而正儒乞  
之益懇嗚呼正儒之孝加於人一等矣予無以辭也  
按狀孺人姓楊氏父汝諧母張氏世爲陝州之弘農  
潤人性淑靜幼習詩書通孝經女憲及笄歸霍君霞  
逮事舅姑唯謹霞旣爲士不成去而爲商遊關西寓

高陵未幾疾卒時孺人年才二十餘耳正儒在襁褓中鮮兄弟外乏幹僕煢煢提一藐孤拮据治喪窀穸松楸之務罔弗備葬且畢仍入關遂卜居吾華華去陝州二百有餘里去高陵者半故孺人便之以歲時歸陝州埽墳墓而以其暇往高陵計責時宛氛漸熾孺人又以爲一旦有急則華天險可恃也故久於華而其業卒以不衰初孺人痛蚤失霞卽潔一室長齋事佛朝夕其中他尊長或憐之而知其志至不忍

有所言也正儒幼復多病孱甚孺人養之盡瘁方就  
外傳孺人雪涕曰未亡人無以兒苦學爲第令識方  
名書數而已夫固有先人之故業在以是正儒旣壯  
而復以商遊乃孺人督之傾日益嚴有小失輒予之  
杖不少假借正儒亦長跼受之未嘗見於色人謂正  
儒商也而與之處恂恂若儒者勸止咸有法則皆孺  
人之教也正儒有子復有孫子弱冠能文章歌采芹  
奕奕章矣嗟乎曩微孺人霍氏之存者幾何予又聞

孺人疾革時預定逝乃力起盥漱坐無悽容哀鳴古  
之至人臨絕而不亂孺人豈其有得於佛之道者然  
邪孺人生於明萬曆甲申七月十有二日卒於清順  
治戊戌十二月初一日享年七十有五子一卽正儒  
娶楊氏盛春女媵王氏孫男一光斗州庠生娶王氏  
家仕女繼娶党氏體聚女孫女三長適華陰庠生王  
問臣長子廷麟餘幼未字曾孫男一廣業儒聘任立  
政長女王氏出庚子二月十七日未時合窆於君父

君之宅在州治西七里鋪路南君文者僣字也

山史王弘撰曰楊孺人之苦節四十餘年著矣而述其終始若兩人焉其心不甚難哉蓋二十年前唯恐正儒之生之不保也故諸所以處之率用寬二十年後又唯恐正儒之行之不修也故諸所以處之率用嚴孺人可謂善立厥孤矣然斯道也可通之以治國而惜乎孺人女子也是又烏可以無銘銘曰

生從夫賈於四方死而有子歸骨於其鄉維山巉巉

維水涓涓以永其藏魂如有知其母乃以是爲興門  
之志將一笑於冥漠而顧何有於悲傷也邪

田封君暨配太孺人趙氏王氏白氏合墓誌

銘

崇禎甲申之變田子薰將母白太孺人避亂華山谷  
中居與予降朝夕見高朗爽直博學有幹才子兄事  
之歷八年母卒田子以靈輜還高陵戊戌田子成進  
士壬寅爲江寧司理聽訟明允令譽日起丁未以調  
歸里則奉太翁暨三孺人之柩合窆焉乃先期匍匐  
拜所自爲狀來責予文以勒石隧道蓋田子勿失恃



田雖白太孺人哺鞠周至顧家中落尋罹兵燹封樹  
永遂田子常心悲之今田子貴克襄大事以慰九京  
田子崇禮矣予其何辭按狀公諱景豫號念菴陝西  
高陵人也先世家山西之洪洞明初西徙徙者名字  
伏可知者曰瑄瑄生文淵文淵生富民富民生繼大  
是爲公父娶馬氏生四子伯氏景康仲氏景樂叔氏  
景豐季氏卽公公生有異質垂髫向學攻舉子業不  
離典訓稍長貫綜群籍爲詩若文閣中肆外同儕謝

不及名大謨顧數奇不得志於有司遂棄去性敦孝  
弟矜尚名節父歿太和逆旅伯氏叔氏早卒仲氏扶  
輿千里外獨留公養母公娛侍左右竭力奉菽水歡  
服用百需皆親任之朝課農桑夕爲嬰兒戲依依母  
床側不再命之退不退念伯氏叔氏有人琴之痛事  
仲氏與嫂尤盡禮故宗族鄉黨咸稱之無間言忠信  
坦易不設城府而正家有則處事有方人更難焉初  
公爲儒而困濩落不試遂有四方之志嘗南涉淮泗

居穎濱者久之所至賢豪長者爭締交時張鑑源先生負人倫之望特推之每與酣詠相得懽甚公旣胸涵今古意常割如卽橐中裝殆盡或告之若弗聞也識者謂其愿而達云崇禎辛未十二月十六日以病終於太和寓舍距生萬歷庚寅正月二十日得年四十有二娶趙氏邑處士諱應祖女嫻內則約敕爲恭儉事舅姑唯謹與娣姒處以和接遇嫺戚恩誼咸備稱禮宗焉繼娶王氏邑處士諱允升女歸公僅逾一

年卒田子曰傷哉吾父母之棄薰也早薰又孤蓋三  
母生卒之日莫能記憶矣繼娶白氏邑庠生可綺女  
孝慈天植歸公十年而公卒白氏矢不貳之操撫前  
子如已出勤績自厲飲茶茹檠歷二十餘年間政肅  
謚庭無譁言順治辛卯正月初三日卒於華陰寓舍  
距生萬歷甲辰六月初三日得年四十有八男一卽  
薰戊戌進士初仕江寧府推官趙氏山娶白氏邑太  
學生所學女繼娶程氏邑湖南道景頤女孫男二龔

廩生娶劉氏邑處士王道女白氏出霽業儒少房房氏出孫女三白氏出者適邑廩生魚鵬翔工科給事中飛漢長子程氏出者俱幼永字康熙六年九月二十九日合葬於縣西十五里世墓之次銘曰

陽陵之墟鬱氤氲吁嗟哲人埋丘墳賢媛是耐唯德芬禮心玉節慰先君賁卜藏有子薰肅言將之質以文而昌而熾卒有聞

素雯吳公暨配倪氏合葬墓誌銘

代湯荆峴

順治辛卯夏素雯吳公捐館舍公配孺人倪氏先公  
歿七年矣且葬至是公之二子麟峴將啟倪孺人之  
兆而合窆焉預期麟走使千里而以所自爲狀來請  
銘其玄宮之石予與麟爲同年友相好最篤聞公與  
孺人之德已稔而又嘗司彤管之職善善章幽於法  
可以銘矣按狀公姓吳氏諱四箴字景程素雯其別  
號也吳氏之先尙矣唐左台御史少微居歙之鳳凰

山傳宣議光遷豐西又二十二世而籍寧陵則明嘉  
靖初良璣公實始之良璣公生知賜公知賜公生三  
讓公是爲公父娶于汪氏娠十二月而生公公生有  
異質卅歲卽力學補邑博士弟子員名稱藉甚尤虛  
懷負笈屢從宋州吳元白新安吳士忠遊二君於公  
諸父行也而皆學爲時宗故公受業焉於是業日益  
進所爲文好深湛之思同輩咸遜謝弗及私籍籍謂  
吳生取科名猶掇之耳而父母者顧弗色喜也曰吾

非薄科名但人位高則矜矜則侈心生居下則讓讓則善心生吾相天下衆矣縉紳之家恒多驕子怙寵凌物或反及禍吾家世以小心樂善爲寶他非所願也公唯唯自此益飲然不敢上人無何母汪氏棄世公哀毀骨立嗣遭父疾篤日夜侍湯藥衣不解帶及沒凡所爲祭葬悉如禮皆身任之而不以委其弟弟曰景周者劉氏出與公異母當劉之病草也景周方在襁褓公命倪孺人乳之比長延師爲訓遂至成立



既入庠復援例入國學皆公經營而景周頗敦意氣  
重然諾囊輒空費浸不支公與之田二百畝里人以  
義比裴叔則云嘗之郡城旅舍有夜泣者公詢之云  
一姚姓者爲人誣訟抵罪將鬻妻以贖故訣別耳公  
惻然捐金令完其贖後姚率妻詣公願傭工以償公  
力辭終使之去時歲大寒裂膚墜指道路有死者公  
謀之倪孺人製棉衣百以施之尋復大饑人相食公  
誠家人勿擊鮮曰吾不忍以一匕箸餘而當數寘人

文爲弼以飼餒者所全活甚衆  
邑雖生賊免差徭例本國制爲舊宰某徑意輒  
將圖復之而中不無所費無自出公傾資爲助遂  
得復至今諸生猶以爲美談也曰微吳公之力不及  
此蓋公之孝友嫻於根之天性而慷慨急難則其素  
所欲爲者類然矣獨是一燈攻苦垂五十年雖試輒  
冠亞獲廩餼而卒不得一第至論里中士業孰精孰  
荒名孰成孰敗其言不毫髮爽而顧不能自信之於

其身嗚呼豈非命哉公旣以連不得志於有司乃設  
義館督課二子於其中而邑子弟之高才好學者皆  
從而問業焉束脩一無所責或其家有不給則公周  
之設戶外屨恒滿而十餘年間邑所稱知名士無不  
出公之門者戊子秋長子麟遂登賢書且具衣冠拜  
公公泣然泣下曰此子未竟之志恨若母之不及見  
也然丈夫事不止此因爲詩以勉前是公有痰疾尚  
管飯旋作旋愈

卯春膺新綸拔貢猶爲詩志憾焉

就試大廷而前疾頓劇遂不起嗚呼斯又孰非命哉  
倪孺人者邑倪公某女也嫻內則年及笄歸公與公  
相敬如賓四十年猶一日也誨子以嚴御下以寬食  
止二簋衣不襲華其性然矣兵戈後益勤績篝燈不  
倦以佐日用之需遂以積勞成疾溘然長逝然其徽  
德厚祥有不與俱逝者已公生於明萬曆十四年四  
月初四日辰時卒於清順治八年四月二十二日酉  
時享年六十有六孺人生於萬曆十七年十二月二

十日午時先公七年卒於明崇禎十七年四月初九日戌時享年五十一有六男二長卽麟戊子鄉試十九名娶郭氏督撫幕賓某女次响邑增廣生娶張氏邑庠生某女女二一適商丘縣高唐州知州常某季子府學生霖一適邑庠生呂某長子庠生紹中孫男二大奇麟出二奇响出俱未聘孫女三一字睢州廩生袁某次子某麟出一字邑庠生盧某長子某一未字响出順治二年春正月初六日麟等葬孺人於祖塋

之左丙申冬十一月二十八日奉公祔焉予旣爲之  
敘爰系以銘銘曰

裕眠側兮澆潯濱廙玄宅兮黃壚新蔚松楸兮宸明  
神懿流光兮鍬貞珉昭千歲兮利嗣人

張季子墓碣

張子之湛韓城芝川人也弱冠而卒其父聞遠名鼎  
錙哭之慟初聞遠有子六人長次相繼亡他日嘗以  
第三子爲從弟鼎銓後至是湛又亡今在膝下者纔  
二人耳湛生有異資好問學誦於口不忘於心爲文  
章燁燁動人里鄙咸器之而事親至孝處諸兄弟間  
有禮聞遠尤憐之於其卒也故哭之慟慟無以自解  
也乃磐石欲以識湛使不朽因友人賈子乞余爲詞

夫人孰有不憐其子者子而才又不幸短命死亦烏能無慟聞遠之慟固情之所必不能自己也嗚呼湛也其能知聞遠之爲慟乎否耶夫死者歸也必至之期也無耆艾貴賤先後正變同一盡焉後死者之爲悲豈有涯乎余嘗觀童烏之事而顧無以動欷歔之懷焉蓋知其明於易而無所憾於生死之際也卽在子雲猶然矣故達人於此可以觀化余未識湛又不

知湛奚族無以定湛也而生而人愛之死而人惜之



雖年不永猶永也泚乎海內雖然第無如聞遠之慟  
何也昔郗超且卒以其父損眠食爲慮乃遺所與桓  
溫往返書一箱以解之論者謂其不愛名以全親君  
子或有取焉今卽其事不必若超而所以爲解父之  
情寧無同睦子歸其爲余有以告聞遠矣湛能爲童  
烏則不必慟湛不能爲郗超則亦無足慟也已余爲  
湛碣不徒識湛也是以云

李于鯤妻蘇氏墓誌銘

歲在屠維作噩予與曲沃李子潛庵葢同寓京邸云  
潛庵曰龍有從弟鯤鯤之妻與龍之妻兄弟也姓蘇  
氏名瑞邑儒士蘇公寰望次女漢中郡丞虞延公孫  
性淳而和幼通女憲孝於父母及笄歸尤竭力以事  
舅姑晨昏唯謹鯤故能學氏相之以勤弗懷安也顧  
善言辭度諸情事輒娓娓悉端委靡不中至處衆以  
睦恤下以寬以是鄉黨益稱之龍妻嘗告龍曰妹女

也而有丈夫之節焉今年三月十二日以疾卒距生  
順治八年十月初九日年才十有九歲耳此鯤書來  
謂且葬思有以銘其墓夫善善彰幽無微弗錄也敢  
請之子予喟然起曰惜哉婦之賢也而年不永又乏  
子女今不銘其泯乎銘曰

女不以色尚厥德也德之不夷述可則也藏莫如深  
亦足惻也

故耆賓月岡蘇君墓誌銘

月岡蘇君以病卒於家將窆冢子景軾持所自爲狀  
來祈銘其隧道之石余旣聞月岡君之賢又嘉景軾  
之能以禮事其親也遂不以不文辭按狀君諱繼祖  
字肖先月岡其別號也世居朝邑郭南族系遠莫可  
考有諱景者實爲始祖景生智智生孟春孟春生濟  
舟濟舟生四子季曰世興是爲君父君幼學書長而  
棄去貿易于四方獲倍息年十八嗣伯父世通後世

通有廢疾君復棄商爲農朝夕侍寢膳色養不衰事  
母亦如其所生及沒喪祭盡禮歲時伏臘酒汨哀慕  
若孺子焉居家友于兄弟訓諸子以義方性恬靜不  
近市囂與人處非善不親不伐人之短至有裨風化  
者則樂道不倦當崇禎庚辰邑大疫蠲粟賑饑所全  
活數百家復造廣車傭貧人使收暴骸而掩之計千  
五百有奇其仁足以及物如此時盜方熾邑令以重  
法繩之不止有竊禾者見君驚而走君招而給之其

人謂逆遂改焉隣人侵其田君不之較侵者感而納租却不受其義足以服衆又如此闔逆之亂邑泮宮踐毀僉議修葺曰工費多非蘇公執其事不可已而功果就至於他興廢舉墜君皆以身任之竟底績其才足以幹事又如此暇日則煮湯茗以濟行旅捨藥餌以瘳疾癘蓋好善樂施其天性類然矣順治初薦鄉飲賓同州守山右趙公以狀聞於御史臺有曰值米珠薪桂之年而義濟時艱當兵燹蹂躪之餘而勞

著黷官以爲世不多得之人李叔則氏嘗爲之贊稱  
其砥躬以直率俗以臧皆實錄也君生於明萬歷二  
十五年八月十七日卒於清康熙八年七月初十日  
享年七十有三囑其子以見善則行有過則改云君  
娶賈氏生男子四某某女子一適某孫男四某某孫  
女六適某某是年十二月十三日葬於華原銘曰

藏維深兮德唯醇  
廩立宅兮無冬春  
乘白雲兮穆將  
愉慶有餘兮利嗣人

知縣典企李公暨配孺人馬氏合葬墓誌銘

康熙九年春潼關李登龍氏將葬其父典企公以母  
孺人從而持狀來徵予詞泐其隧道之石予有從  
予爲公甥居相去不十里於公與孺人之德知之稔  
故不辭而爲之誌曰公姓李氏諱式祖典企其字其  
先未之詳居于鄒者曰希賢從明太祖定天下有  
戰勲封明威將軍希賢生興天策衛指揮食祿萬戶  
興生仁世其爵詔改金吾右衛仁生昇昇生堂詔改



潼關衛遂籍焉堂生汝杜好文學中嘉靖庚子鄉試  
歷仕揚州府同知汝杜生文煥承爵視衛篆十有五  
年多善政人感之爲立祠祀春秋歷仕山西都使司  
封昭勇將軍文煥生行和字去知天啟辛酉恩選入  
太學是爲公父以公貴封文林郎配張氏封孺人實  
生公兄弟五人長惠祖庠生次率祖崇禎己卯舉人  
見任山東長山縣知縣次卽公公生而岐嶷性仁厚  
孝事二親能竭其力晨昏溫清之節罔斁於諸父昆

也弱冠補博士弟子員食廩俸殫精舉子業旁通墳  
典誦數思索務自得爲文好深湛之思累經兵燹手  
不釋卷乙酉膺恩選秋闈復中副卷遂以貢入太學  
習太史知而雅重之使其子弟受業從遊者日衆多  
成名去甲午廷試以上上卷授牒天宮部授四川西  
充縣知縣西充自大亂之後子遺僅存公殷然與之  
休息不事刻覈勸農桑崇學校尤軫恤驛站凋劫稍

蘇會有軍需司理且身督之民聞風欲亡公諭令安  
業而自見司理言民不堪重困狀司理曰如此將毋  
生玩公爭曰西克之民乃窮民非頑民也卽不爲之  
所則四方散矣究如國事何司理改容聽之更爲計  
畫民以不病臺使者薦于朝稱其清如孔奮惠比魯  
恭盡實錄云己亥相繼丁內外艱歸居喪盡禮克襄  
大事二第所不足公率力任不少委癸卯補授湖廣  
松滋縣松滋固逼西山道通滇楚值寇方熾禁旅往

徂俱應浩繁公措置盡瘁至自爲稱貸雖橐需勿顧也而其他一以治西克者治之若修補江堤清理地糴恤僚屬之難以助其窘乏代驅民之稅以全其妻子又其章章著者無何有秋闈之役公患疾未至遂坐吏議乃毅然賦歸去之詞自幸得優游林泉而前疾頓劇卒不起士大夫聞之皆哭失聲民爲罷市嗚呼以公之才而不竟厥施是可惜也已孺人衛庠生馬公文女也幼貞靜嚴正不爲嬉戲及笄于歸相夫

以勤尤善事舅姑奉醴饋唯謹歲時修蘋藻佐饗思  
成出納掌志悉有則接遇內外嫻戚恩誼備至而自  
奉儉薄餐餌蔬糜被服繡練無珍異華靡之好初公  
與諸兄弟將析箸孺人輒告之以讓故公于田廬之  
美僕婢之壯者皆推以與二弟鄉黨以其事比之薛  
包焉當庚辰歲大祿公出粟爲賑而孺人亦脫簪珥  
資之此其知義樂善雖丈夫弗若之矣公生于明萬  
曆四十六年二月十一日卒于清康熙七年十二月

二十三日得年五十有一孺人生於明天啟二年七月二十七日先公十五年卒於清順治十年三月二十一日繼娶孺人柳氏今在室子男二長卽登龍馬氏出衛增廣生娶華陰江西廣信府同知楊公用陞女次夔龍柳氏出業儒女子二俱馬氏出長適衛庠生廖濟次育子伯氏適華陰王宜觀卽予從子先司馬公第十七孫也孫男二長又白次亦白俱登龍出業儒是年三月十三日合葬於華陰縣城西二十里

道南新叶銘曰

嗚呼李公唯武是繼而文用章爲百里侯于先有光  
山一區兮水一方賢媛耐兮永厥藏靈連蜷兮白雲  
鄉昭茲有徵兮後克昌

誥對一品夫人靖逆侯張公元配李氏墓誌銘

康熙十四年歲在甲寅秋靖逆侯非熊張公元配

誥封一品夫人李氏卒於京兆之第是時有雲南之  
變公命子雲翼等卽其地權厝而不發喪上疏曰臣  
方治軍旋不幸而臣之妻死臣無以家爲也奚暇治  
喪然不敢不以聞 天子嘉闕下部議以事平日舉  
葬今雲南平四方寧謐雲翼暨弟雲嗣陳情以歸葬  
請 天子許焉往雲翼兄弟每相見頃不言而有戚



容蓋惟此之故不能置諸懷十年如一日也癸亥秋  
奉定有期公適入朝間以雲翼所自爲夫人狀屬  
書其幽宮之石予誼無辭按狀夫人漢中府洋縣人  
前監察御史李公時孳女也年十九歸公性柔靜勤  
儉內則克明居恒以未逮事舅姑爲憾凡奉祭祀享  
賓客筐筥爵斚必親臨之御下有條內外不踰閤肅  
如也公勞於王事夫人督家政諸子齟齬以次就  
外傳不令知博奕羣嬉戲事被服與民間子無異嘗

戒之曰汝曹生長富貴家將無習於驕奢漸卽非  
吾聞汝父言古之大將敦禮義而說詩書况汝曹乎  
勤誦讀明理道尊汝父之訓顯名於士林其勉之今  
諸子彬彬皆知向學篤行實夫人之教居多雲翼弱  
冠列鬢序文章有法方期自表見於當世驟登華班  
非其志也然君恩出於非常雲翼曰致身竭力不  
敢以負君者忘親學在是矣予聽其言獨惜乎夫人  
之不及見也夫人生於明崇禎四年十月十三日卒

於康熙十四年七月十三日得年四十有五子六人  
長雲翥次卽雲翼大理寺卿娶劉氏原任甘肅總  
兵官左都督劉公友元女早卒 誥封淑人繼娶趙  
氏鑾儀衛鑾儀使前總督雲貴兵部尙書勇畧將軍  
趙公良棟女 誥封淑人次雲翮戶部郎中娶黃氏  
江南處士黃君律女 誥封恭人次雲翺以廕入國  
子監未娶次雲翬次雲翰俱幼業儒女一人適江南  
蘇州府同知劉三傑卽左都督劉公子也孫一人宗

仁幼雲翼出康熙二十二年九月二十七日葬於西  
安府咸寧縣東南鮑陂新塋銘曰

天錫徽德嗣音篤祥淑慎且惠象服斯皇漢水毓質  
南山卜藏珠媚玉澤亦旣允臧佑啟厥後克熾而昌  
昭示鍾萬俾也勿忘

砥齋集卷之十 詩

舉山王弘撰著

大司空二太南公諫

明崇禎十有七年甲申春二月朔九日資政大夫工部尚書二太南公薨踰九年癸巳公從子廷鉉將奉公窆焉命撰作諫撰賤且幼才謝大夫豈曰敢承唯古有云忠孝義烈慷慨非命者綴詞士未之或遺抑行以號章德以述美然則榮始哀終又烏可以無紀

哉公生 世宗朝綜經術志企周召逮事 神宗十  
有九年出廣平太守擢晉督學進方伯所在著徽猷  
熹宗時紅夷亂詔以公節鉞閩中公至討之獻俘  
闕下條上善後十策不報乃總督河道之命下而璫  
黨且矯旨罷公也 先帝卽位始起公於家召對平  
臺寵錫出異數遂歷今官未幾賜歸於是公春秋六  
十有五矣歸則居瀑園以老自休徜徉山澤延一時  
知名士淪茗談藝漉酒賦詩間列聲伎絲竹雜陳或

以東山謝安擬之如是者十有三年乾綱絕紐大盜  
竊國投繯不就遂及於難嗚呼人誰無死公死可矣  
撰生也晚未及從公遊以廷鉉友好悉公素履嗚呼  
世或悲才不獲遇乃遇矣卒不獲展施至衛恨沒世  
彼勒勲旂常豈異人哉撰竊嘆焉敢託玄翰爰表素  
旗倘亦有優乎若覲悽焉可傷者與其詞曰

於穆肅廟時雍化淳庶司備又隕滋熙春矯矯南公  
覃作於秦弱冠厲翼珠藏玉韞克孝克友強記洽聞

鴻軒鳳舉北斗南山綏我邦家惠此黎民文經三晉  
武緯七閩維閩多難紅夷不馴南公乘鉞荒遐稱臣  
茂勲唯嘉彼奄是囂踰踰彼奄悠悠九關成功獲罪  
勇退厥身譽章南服憤溢群紳明明先帝赫赫斯甄  
乃眷西顧徵賁蒲輪抗疏陳計國儲攸均文華錫寵  
漕政以新清釐著績制用永遵亮節克明出車屏藩  
司空有命夙駕星奔蹇蹇盡瘁以濟時艱建言不避  
訐謏未申臣罪當誅皇心惟仁曰歸曰歸娛此丘園



龍圖豹隱止足守玄壟句高山作賦渭水垂綸青娥  
白紵爽籟芳罇平濟才鬱遊松志仲躅仰前哲學啓  
後昆崇斯風徽以日以年彌因昊天不弔爰作妖氛  
三輔幅裂九州沉淪番番元老大義攸存吞聲絕茹  
景命其終曠仍嗚呼哀哉名飛九天身沒重淵均  
寸長尺短鐙曜月湮琴書黯永丘壑鬱芬詞林頽泣  
奔騰怒彌云素軒未舉孤嗣亦泯嗚呼哀哉厥惟  
從子考禮奉窀穸文愷日掩編蓋雲屯允寧玄夜垂表

貞珉嗟予小子不學無文山頽木壞寡綜靡循孤松  
掛劍落日撫墳千秋在茲以慰幽魂嗚呼哀哉

平溪  
墓

晉  
名

李千之誄

拒陽李三千之既卒之三月也。葬於。之陰小漲村西百武許有。與。王子聞之。然流涕曰。嗚呼哀哉。李子生辭故壤。歿。與。土。吳季子之遺。蘇眉山氏之風乎。嗚呼哀哉。李千乃作誄曰。

翩翩李子志一行。醇。咄。彼。世。嶮。率。爾。天。真。弱。不。好。弄。長。不。輟。吟。讀。書。嗜。古。譽。噪。詞。林。中。原。急。難。負。笈。從。親。

孤舟萬里茹苦嘗辛乃恣翰墨益蘊經綸業成不試  
歸臥寒山悲繹風水戢賦棘人心懷形毀長卽九冥  
董帷聞戶鄭草荒徑魏帝悼阮潘友哭任幽明異隔  
荏苒冬春落暉初隴淒風故園而來而往日月常新

三兄雲隱先生誄

康熙八年己酉冬十月二十有五曰三兄雲隱先生  
奄捐館舍越明年庚戌秋九月十有六曰從子宜章  
等啓嫂氏郝孺人之兆奉柩以窆追治命也柏門松  
帳哭泣祖送者充道周蓋先生立德立言爲善於鄉  
故不忘在人矣撰也揮涕作誄俾有述於後其敢以  
幼且賤焉委諸艸莽詞曰

吁嗟先生性敏志純夙敦孝友益懋經綸動正用和

秋肅春溫立人之極慕義歸仁家既多難國靡濟屯  
耿耿先德在茲丘園游藝翰墨願情典墳若昧若退  
一道是循南岳徵士東臯逸人以今方之實唯其倫  
天不憖遺奄棄中年孰有怛化亦曰返真厥藹不展  
音容遽泯有常存者日月與新素幢被野縞蓋蔽雲  
悽聲震木酸涕霑巾已矣先生長寢九京與伯仲季  
從我嚴君弟獨何能留後死身不卽殉歟慚率子孫  
仰事俯育莫慰苦辛哀哀天地失復何云

吳繼洲先生誄

歲上章潛離夏四月二十日己卯夜扶風縣儒學訓  
導 諸封中憲大夫繼洲吳公卒冬十二月十二日  
丁酉冢嗣紳奉葬於先塋之穆位以元配簡太恭人  
從禮也癸子王弘撰相哀作謚表諸素旗焉其詞曰  
荷歟吳公沉潛高明孝弟維允忠信攸行氣因義養  
情以禮耕伯春恂恂子橫鯨航府藏墳典晚富其德  
爰處於外唯中之弼岐陽司鐸宣詠由庚返服渭沔

厚志畏榮自樂名教笑絕拘偁常勤稼穡斥遠邪羸  
善爲國紀實維輔藥履道坦坦幽人之貞陳寵敦朴  
劍賜椎成卓茂恬蕩褒德錫名公也兼之乎於里閭  
山中宰相洛下耆英溪側漁父壩外田更執爨執爵  
以待時清何天不弔朱華西傾寢疾奄忽駟虬上征  
哲人其逝我心京京賢媛是祔齊德偕盟素車威發  
白馬悲鳴何以送之稷粢簠盛又何送之翠濤竹盟  
風雲黯色日月慘晶嗚呼殄瘁莫瞻哀誠